

陸洪輝撰

新證奇聞評注



施洪耀 著

新濠奇聞評注

上海科学普及出版社

# 《辨证奇闻》评注

施洪耀 编著

上海科学普及出版社出版发行  
(上海曹杨路 500 号)

---

各地新华书店经销 上海中华印刷厂印刷  
开本 787×1092 1/32 印张 13.75 字数 320000  
1989 年 3 月第 1 版 1989 年 3 月第 1 次印刷  
印数 1—7000

---

ISBN 7-5427-0164-9/R·3 定价: 5.50 元

## 前 言

医之为道也，古有良相并称，甚矣，医道之难也！

病有千变，方无万能。医之治病，何者宜攻，何者宜补，何者同病异治，何者异病同治，治疗得当，则厥疾可瘳。其诊治之记载，力求翔实。凡四诊之所见，八纲之辨证，处方之奇偶，用药之配伍，剂量之大小，效果之如何，详尽无遗，使阅者有所取法，亦犹史笔之借镜也。是则良医之功同于良相矣。

《辨证奇闻》一书，为清代名医陈士铎先生遗著，书内每一病症，先列症状，继之以病机，更用阴阳互根、五行生克之理，以为立法处方之本，随之说明其作用与配伍，且有附方可资参考，内容近似医案。余细读静思，观其辨证深刻，用药奇特，采取先后天并调，隔二隔三之治法。临证施之，深信其效甚佳。一病人劳损虚怯，喘嗽不宁，渐至瘖哑，气息低沉，恙延日久，百药罔效。余诊之，忽思助音汤，士铎方也，投之二剂而喘少平，四剂而嗽少止，再服而声出矣！足见其术之神妙。嗣后，每于疑难之症，择用士铎之方，常能收已败之功，克奏将坏之绩，诚为可法可传之作，济世寿物之宝，对吾侪后人启示良深，遂使余加以整理，择其

精粹，编辑成册，又思出鄙论，浅作评注。为便记忆，特将其方药，编成歌诀，字取通俗，工拙未记也。

余积年临床，诊病治疾，得幸愈者，时有所闻，笔而记之，初意聊供自勉，现择其部分病例，附记于后，以备同道正之。

余编著此书，承蒙张老先生羹梅悉心指教，并为此书赐写序言；著名书法家周慧珺挥毫题字；著名装帧艺术家范一辛设计装帧；著名企业家孟辉鼎力相助，在此谨致谢意。

余学识浅薄，评注此书，未窥全豹，尚难免粗糙，日后当潜心于临床，继续整理发掘，以补不足于万一，与此同时，对先生另一遗著《石室秘录》临症一百二十八法，稍有心得，辄著数言，余尚在整理之中，待稿定后，再飨读者，且望同道不吝赐教，俾使仁风广被，利益于民。

施 洪 耀

一九八八年五月于上海

## 序

陈士铎先生是清代著名医家，曾著《辨证奇闻》一书。此书立论精深，用方奇效，依法治病，每能挽沉痾于顷刻，为医林所称道。

施君洪耀，年少好学，勤于临床，对祖国医学有良好的基础，数年来，将士铎先生所著《辨证奇闻》选择二百余例加以注释和发扬，并结合个人临床经验，承前启后，有助于祖国医学科学的发展，是习中医者较好的参考资料。

我年逾古稀，精力已衰，谨赘数言，寄希望于年轻好学者。

此为之序。

上海中医学院专家委员会委员  
上海中医药研究院专家委员会委员  
曙光医院中医内科主任医师

张羹梅年八十又四

一九八八年四月十八日

## 清·陈士铎《辨证奇闻》序

丁卯秋，余客燕市，黄菊初放，怀人自远。忽闻剥啄声，启扉迓之，见二老者衣冠伟甚，余奇之。载拜问曰：先生何方来，得毋有奇闻诲铎乎？二老者曰：闻君好医，特来辨难耳。余谢不敏。二老者曰：君擅著作才，何不著书自雄，顾咕咕时艺，窃耻之。余壮其言，乃尚论《灵》、《素》诸书，辨脉辨证，多非世间语，余益奇之。数共晨夕，遂尽闻绪论。阅五月别去，训铎曰：今而后君可出而著书矣！铎退而记忆，合以所识方，日书数则，久乃成帙。夫医道之难也，不辨证罔识脉之微，不辨证罔识证之变。今世人习诊者亦甚多矣，言人人殊，究不得其指归，似宜辨脉，不必辨证也。虽然，辨脉难知，不若辨证易知也。古虽有从脉不从证之文，毕竟从脉者少，从证者众，且证亦不易辨也。今人所共知者，不必辨也；古人所未及言者，不必辨也；必取今人之所不敢言，与古人所未及言者，而畅辨之。论其证之所必有，非诡其理之所或无，乍闻之而奇，徐思之而实未奇也。客曰：布帛菽粟，可以活人，安在谈医之必奇乎！余谢之曰：布帛菽粟，平淡无奇，而活人之理实奇也。日服之而不知其何以温，日食之

而不知其何以饱，致使其理之彰可乎？铎之辨证，犹谈布帛菽粟之理耳。客又笑曰：君辨理奇矣，已足显著作之才，奚必托仙以术奇耶！铎尼山之弟子也，敢轻言著作乎？闻二先生教，亦述之而已矣，何必讳其非仙哉！仙不必讳，而必谓是书非述也，得毋斯世以玄奇乎！书非玄奇，而仍以奇闻名者，以铎闻二先生之教，不过五阅月耳，数十万言，尽记忆无忘，述之成帙，是则可奇者乎，岂矜世以玄奇哉！

山阴陈士铎敬之甫别号远公  
又号朱华子题于大雅堂

## 清·陈士铎《辨证奇闻》凡例

一、是编皆岐伯天师、仲景张使君所口授，铎敬述广推以传世。实遵师海，非敢自矜出奇。

一、辨证不辨脉者，以证之易识也。苟能知证，何必辨脉哉！虽然，辨证更能辨脉，则治病益精，又在人善用之耳。

一、辨证论候，均出新裁，阐扬《灵》、《素》所未备，于二经不无小补云。

一、编中不讲经络穴道，以经络穴道之义，已显载于《灵》、《素》二经，人可读经自考也。

一、各门辨证，专讲五行生克之理，生中有克，克中有生，经权常变，颠倒纷纭，贵人善读之耳。

一、铎壮游五岳，每逢异人传刀圭之书颇富，凡可引证，附载于各辨证条后，以备同人采择。

一、祖父素好方术，遗有家传秘本，凡关合各症者，尽行采入，以成异书。

一、吾越多隐君子，颇喜谈医，如蒋子羽、姚复菴、倪涵初、金子如、蔡焕然、朱瑞林诸先生，暨内父张公璽仍与同辈余子道元、叶子正叔、林子巨源、钱子升璫、丁子威如、家太士，或闻其余论，或接其片言，均采入靡遗。

一、兹编不讲针灸，非轻之也。盖九针治病之法，已畅论于《灵》、《素》书中，不必再为发明耳。

一、人病最多，集中所论，恐不足概世人之病，然生克之

理既明，常变之法可悟，此编旁通治法，正有余也。

一、二师所传诸方，与鄙人所采诸法，分两有太多过重之处，虽因病立方，各有机宜，然而气禀有厚薄之分，生产有南北之异，宜临症加减，不可拘定方中，疑畏而不敢用也。

一、铎年过六旬，精神衰迈，二师传铎之言，愧难强记，恐至遗忘，辩论之处，或多未备，尤望同人之教铎也。

一、是编方法，亲试者十之五，友朋亲出传诵者十之三，罔不立取奇验，故敢付梓告世。然犹恐药有多寡、轻重，方有大小、奇偶，又将生平异传诸方，备载于后，便世临病酌用也。

一、岐天师传书甚富，而《外经》一编尤奇。篇中秘奥，皆采之《外经》精鉴居多，非无本之学也。铎晚年尚欲笺释《外经》以求正于大雅君子也。

一、铎勤著述，近年以来，广搜医籍，又成一编，决寿夭之奇，阐生克之秘，有益于人命不浅。惟卷帙浩繁，铎家贫不克灾梨，倘有同心好善之士，肯捐资剞劂，铎倾囊付之，不吝惜也。

大雅堂主人远公识

# 目 录

## 卷之一 心脏篇

|            |    |
|------------|----|
| 怔忡门四则      | 1  |
| 惊悸门二则      | 6  |
| 虚烦门二则      | 8  |
| 不寐门五则      | 10 |
| 健忘门四则      | 16 |
| 心痛门二则      | 21 |
| 情志门二则      | 24 |
| 自笑门三则(附自哭) | 27 |
| 呆病门一则      | 30 |

## 卷之二 肝胆篇

|       |    |
|-------|----|
| 胁痛门七则 | 32 |
| 郁证门四则 | 41 |
| 恼怒门三则 | 46 |
| 离魂门二则 | 50 |
| 癥瘕门六则 | 52 |

## 卷之三 肺脏篇

|       |    |
|-------|----|
| 春温门七则 | 61 |
| 伤寒门二则 | 69 |

|               |     |
|---------------|-----|
| 内伤外感门十二则····· | 72  |
| 咳嗽门八则·····    | 85  |
| 喘证门四则·····    | 94  |
| 痰证门十一则·····   | 99  |
| 血证门八则·····    | 112 |

#### 卷之四 脾胃篇

|            |     |
|------------|-----|
| 中满门二则····· | 122 |
| 腹痛门三则····· | 124 |
| 呃逆门四则····· | 127 |
| 呕吐门二则····· | 131 |
| 关格门一则····· | 133 |
| 肠鸣门三则····· | 134 |
| 泄泻门四则····· | 138 |
| 痢疾门五则····· | 143 |
| 脱肛门二则····· | 149 |
| 便秘门六则····· | 151 |
| 虫证门二则····· | 158 |

#### 卷之五 肾脏篇

|              |     |
|--------------|-----|
| 淋证门六则·····   | 162 |
| 小便不通门二则····· | 169 |
| 浮肿门一则·····   | 171 |
| 遗尿门二则·····   | 172 |
| 腰痛门四则·····   | 175 |
| 遗精门七则·····   | 179 |

|              |     |
|--------------|-----|
| 阴阳脱门二则·····  | 187 |
| 强阳不倒门二则····· | 189 |
| 阳痿门五则·····   | 192 |

## 卷之六 首部篇

|                  |     |
|------------------|-----|
| 头痛门五则·····       | 200 |
| 目痛门七则·····       | 207 |
| 耳痛门五则·····       | 215 |
| 鼻渊门三则(附鼻衄)·····  | 220 |
| 口舌门五则·····       | 223 |
| 齿龈门二则·····       | 229 |
| 咽喉痛门五则(附瘖哑)····· | 232 |

## 卷之七 虚证篇

|            |     |
|------------|-----|
| 虚损门十则····· | 239 |
| 癆瘵门六则····· | 251 |
| 燥证门九则····· | 258 |
| 消渴门三则····· | 268 |

## 卷之八 杂证篇

|             |     |
|-------------|-----|
| 中风门六则·····  | 274 |
| 厥证门六则·····  | 281 |
| 火热证门八则····· | 289 |
| 汗证门五则·····  | 298 |
| 身痒门一则·····  | 305 |
| 疰夏门二则·····  | 307 |

---

|              |     |
|--------------|-----|
| 瘟疫门一则.....   | 309 |
| 痿证门六则.....   | 311 |
| 痹证门九则.....   | 319 |
| 遍身骨痛门四则..... | 330 |
| 种嗣门二则.....   | 335 |
| 受妊门八则.....   | 337 |
| 附 录:         |     |
| 医案一百零八则..... | 347 |
| 方剂索引.....    | 418 |
| 后 记.....     | 427 |

## 卷之一 心 脏 篇

### 怔忡门 怔忡之一

人参麦冬连肉桂  
地萸枣仁芥当归

#### 【原文】

人有得怔忡之症，日间少轻，至夜则重，欲思一睡熟而不可得者，人以为心虚之极也，谁知是肾气之乏乎。凡人夜卧则心气必下降于肾宫，惟肾水大耗，一如家贫，客至无力相延，客见主人之窘迫，自然不可久留，徘徊歧路，实乃徬徨耳。治法大补其肾中之精，则肾气充足矣。方用心肾两交汤：

熟地一两 山茱八钱 人参五钱 当归五钱 炒枣仁八钱  
白芥子五钱 麦冬五钱 肉桂三分 黄连三分 水煎服。一剂即熟睡，二剂而怔忡定，十剂全愈矣。

此方补肾之中，仍益以补心之剂，似乎无专补之功。殊不知肾水既足，而心气若虚，恐有不相契合之虞。今心肾两有余资，主客分外加欢，相得益彰矣。况益之介绍如黄连、肉桂并投，则两相赞颂和美，有不赋胶漆之好者乎！

此症用交合汤亦效。

人参五钱 熟地二两 黄连三分 肉桂五分 水煎服。一

剂即睡，十剂全安。

### 【评注】

肾为先天之本，藏精液以养百脉；心为君主之官，使血周流全身。治心必及于肾，治肾必及于心。怔忡夜重于昼，肾气虚也；心气夜达于肾，肾水不能与之相交而心亦虚矣。方用补肾之剂，使肾水上朝于心；养心之药，使心气下达于肾，心肾相交而怔忡自愈。

## 怔忡之二

参麦枣仁芍药归

竹沥贝母白术味

### 【原文】

人有得怔忡之症者，一遇拂情之事，或听逆耳之言，便觉心气怦怦上冲，有不能自主之势，似烦而非烦，似晕而非晕，人以为心虚之故也。然而心虚由于肝虚，肝虚则肺金必旺，以心弱不能制肺也；肺无火锻炼，则金必制木，肝不能生心，而心气益困。故补心必须补肝，而补肝尤宜制肺。然而肺不可制也，肺乃娇脏，用寒凉以制肺，必致伤损脾胃，肺虽制矣，而脾胃受寒，不能运化水谷，则肝又何所取资，而肾又何能滋益，所以肺不宜制而宜养也。方用制忡汤治之。

人参五钱 白术五钱 白芍一两 当归一两 生枣仁一两  
北五味一钱 麦冬五钱 贝母五分 竹沥十匙 水煎调服。一剂而怔忡少定，二剂更安，十剂全愈。

此方不全去定心，而反去补肝以平木，则火不易动；补肺

以养金，则木更能静矣。木气既静，则肝中生血，自能润心之液，而不助心之焰，怔忡不治而自愈矣。

此症用柏莲汤亦佳。

人参 麦冬 玄参各五钱 茯苓 柏子仁 丹皮各三钱  
丹参二钱 半夏 莲子心各一钱 生枣仁三钱 水煎服。一剂安，十剂愈。

### 【评注】

怔忡由心肝两虚，心主血，肝藏血，肝虚肺旺，血不养心。方用生脉以养心肺，归芍以养肝，枣仁以宁神，贝母以解郁。诸药合用，使心肺得其养，肝气得其柔，神自守舍，怔忡自除。亦隔二隔三之治法也。

## 怔忡之三

参术芍药苓花粉  
丹砂竹茹枣铁粉

### 【原文】

人有得怔忡之症，心常怦怦不安，常若有官事未了，人欲来捕之状，人以为心气之虚也，谁知是胆气之怯乎。夫胆属少阳，心之母也，母虚则子亦虚。惟是胆气虽虚，何便作怔忡之病？不知脏腑之气，皆取决于胆，胆气一虚，而脏腑之气皆无所遵从，而心尤无主，故怦怦而不安者，乃似乎怔忡，而实非怔忡也。治法徒补心而不补各脏腑之气，则怔忡之病不能痊；补各脏腑之气而不补胆之气，内无刚断之风，外有纷纭之扰，又安望心中之宁静乎！故必补胆之气，而后可以去怯也。方用